



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola II. Ioannis Papae X. Ad Carolvm III. Regem. Significat se ad Herimannum scripsisse, vt cum Hilduino & Richario Romam veniat: Hubertum etiam ob ecclesiae Romanae depraedationes excommunicasse.

urn:nbn:de:hbz:466:1-15625

EPISTOLA II.
 IOANNIS PAPÆ X.
 AD CAROLVM III. REGEM.

Significat se ad Herimannum scripsisse, vt cum Hilduino
 & Richario Romam veniat: Hubertum etiam
 ob ecclesiæ Romanæ deprædationes
 excommunicasse.

*Ioannes episcopus seruus seruorum Dei dilecto filio Carolo
 glorioso regi.*

CVM sincera in vobis caritas, atque perfecta mansuetudo clarescat, quia diuina dispensatione hoc agitur, conditori nostro Deo immensas gratiarum actiones referimus. Vnde hortantes vestram filiationem moneamus, vt semper solliciti manentes, subditos quoque vobis commissos per abrupta diutius ire non permittatis. Quia in hoc vestri regni sceptrâ sublimia manent, cum Spiritus sancti dispensatione quod inutiliter gestum est emendare non negligitis. Noster namque dilectus filius Berengarius gloriosissimus imperator apostolatus nostro literas ex Richero a vobis electo in Leodio, atque a cuncto clero & populo, transmisit: & qualiter Gislebertus vester infidelis Hilduinum illic consecrare præcipiendo non formidauit. Nos vero, prece dilecti filii nostri moti, Herimanno archiepiscopo nostri apostolatus apices transmittere studuimus, quatenus mediante Octobrio cum illis pariter iunctus ad limina apostolorum non differat venire, vt tunc probabilibus documentis canonice qui dignus est approbetur, qui vero indignus esse contemplatur, tunc reprobatus appareat. Vsq; ad illud vero tempus, vt Hilduinus in supradicta ecclesia, quæ Legia dicitur, aliquod regimen detinere, & sacerdotale officium exhibere non audeat, commonendo præcepimus. Tamen quia dilectio nostri filii in vobis abundanter emanat, dignum est sinceritas atque consanguinitas vestra vt in illo promptius appareat; & ita fidissimus ex vestra dilectione permaneat, quatenus ex illius adminiculo in presenti cognoscatis. De hoc vero quod Gislebertus contra vestra sceptrâ inutiliter gessit valde doluimus, eo

quod prisca consuetudo, & regni nobilitas censuit, vt nullus episcopum ordinare debuisset absque regis iussione. Et quia Herimannus archiepiscopus, magis hominis quam Dei formidinem metuens, Gisleberti iussione Hilduinum consecrare non distulit, hac pro ratione sententiam vocationis illi transmisisimus, vt mediante Octobrio, & si pro metu Paganorum venire tunc nequeunt, in Kalendis Aprilis, omni remota occasione, tunc nullo modo cum Hilduino & Richero venire differat. Quia tunc inibi coniuncti, ex decore vestri regni subtiliter colloquentes, ita radicitus hoc quod vobis per Gislebertum contigit extirpare non denegabimus, vt postmodum nec ipse, qui auctor iniquitatis contra vestra sceptragessit, nec alius aliquis audeat aliquam lationem vestro in regno inferre. Illud etiam vestrae filiationi innotescimus, qualiter nos iuncti cum Berengario gloriosissimo imperatore dilecto filio nostro, ad Hubertum, vt depradationes atque incendia, quae in sancta Romana ecclesia committere non formidauit, emendare studuisset, admonendo misimus: qui renitens, atque superba voce hoc contradicens, emendare noluit. Nos autem, secundum nostri ministerii effectum, illum sub excommunicatione misimus, eumque anathematis vinculo alligauimus cum omnibus suis sequacibus. Vnde vestrae celsitudini hoc patefacimus, vt nullus vestri regni illum sequatur, vel ei adiutorium impendat, quia non solummodo qui eum sequuntur alligauimus, sed etiam qui ei adiutorium impendere delectantur.



^a **CONCILIVM CONFLVENTINVM**
OCTO EPISCOPORVM, NE CHRISTIANI
intra septimum gradum cognationis matrimonium
contrahere praesumant, anno Domini DCCCCXII. ha-
bitum, tempore Ioannis papae X.

ANNO
CHRISTI
912.

N O T A.

Iuo part. 9. ^a *Concilium.*] De tempore, loco, rebusque in hac Synodo gestis, ista apud Iuonem: *Anno dominica incarnationis nongentesimo duodecimo apud Confluentiam iussu venerabilium principum Caroli videlicet*
cap. 66.